

# 聖觀自在菩薩功德讚

宋西天三藏朝奉大夫試鴻臚卿傳法大師施護奉詔譯



南無本師釋迦牟尼佛

## 說明

本繁體校正版《聖觀自在菩薩功德讚》電子書，根據《乾隆大藏經》宋元入藏諸大小乘經，第 1071 部，宋西天三藏朝奉大夫傳法大師施護奉詔譯《聖觀自在菩薩功德讚》原藏影印本校正；《大悲咒》及《禮觀音文》根據弘化社“日誦經咒選錄”校正。

本電子書是免費結緣品，特此說明。

仁慧草堂



扫码关注仁慧草堂微信公众号





南無千手千眼大慈大悲觀世音自在菩薩摩訶薩



# 聖觀自在菩薩功德讚

宋西天三藏朝奉大夫試鴻

臚卿傳法大師施護奉詔譯<sup>1</sup>

歸命最聖觀自在	滿月妙相蓮華生
能以無畏施有情	我今稱讚彼功德
一切善法悉具足	頂戴諸佛大智冠
福慧莊嚴最上尊	是故歸命蓮華手
兩頰圓滿紅白色	鼻相脩直妙端嚴
齒如珂雪密復齊	四牙平正而具足
梵音清響復深妙	一切聞者生愛心
凡所宣說衆語言	柔和善順而甘美
常以大悲方便力	救度一切苦衆生
自利利他衆導師	是故歸命蓮華手
雙眉同彼初生月	身相猶如真紫金
衆寶爲鬢以莊嚴	一切見者無厭足
敷鹿皮衣而爲座	最上自在衆中尊
身諸相分悉周圓	是故歸命蓮華手
上妙細氎爲絡腋	摩尼珠寶作耳環
世出世寶所莊嚴	最上自在最尊勝

<sup>1</sup> 大正藏：西天譯經三藏朝奉大夫試鴻臚卿傳法大師臣施護奉 詔譯

諸善功德皆滿足 一切世間大法主  
能開種種方便門 是故歸命蓮華手  
罪業衆生微塵數 無量劫來處輪迴  
菩薩常生方便心 化度悉令歸智聚  
放慈悲光照一切 以最上法施衆生  
普令有情證菩提 是故歸命蓮華手  
所有阿鼻大地獄 菩薩慈悲徃現身  
破壞彼趣悉無餘 閻摩獄卒生驚怖  
彼諸業報衆生類 咸皆離苦罪消<sup>2</sup>除  
惡趣能以智火焚 是故歸命蓮華手  
具足悲智行願力 欲色界中皆現身  
於法自在利群生 閻摩眷屬悉歡喜  
破壞一切罪業境 令諸苦惱不復生  
有情離苦得清涼 是故歸命蓮華手  
我今稱讚大聖者 最上色相無等倫  
無礙自在三界尊 普施衆生無所畏  
度脫有情出苦海 斷彼三毒煩惱根  
咸令得住安樂中 是故歸命蓮華手  
所有一切餓鬼衆 針咽大腹及鼻毛  
如是等類數甚多 晝夜受彼飢渴苦  
由彼飢渴火所逼 互相吞噉苦惱生

<sup>2</sup> 大正藏：銷



菩薩悲願力所持 徃彼現身而救濟  
先化種種美飲食 各各令飽益身腴  
復爲宣說正法門 一切得離諸苦惱  
菩薩悲智方便力 能入一切趣類中  
利行同事攝有情 是故歸命蓮華手  
身有大摩尼珠寶 常出淨妙衆光明  
普照世間諸暗暝 映蔽日月而不現  
所有夜叉羅刹等 蒙光照者悉歸依  
觀衆生心令斷疑 是故歸命蓮華手  
大力阿修羅王衆 鬪諍勇猛而難調  
菩薩亦現彼趣中 方便說法而化度  
彼聞法已斷疑惑 各各生於慈善心  
能施最上妙法門 是故歸命蓮華手  
菩薩曾遊諸天界 入一妙環天子宮  
隨順方便開化門 彼天悉無諸<sup>3</sup>所施  
是時天子生苦惱 菩薩即爲現珍財  
令彼天子滿施心 是故歸命蓮華手  
所有一切貪欲者 常爲煩惱火所燒  
得見菩薩善威容 即能迴心思正法  
世間貪瞋癡盛者 恭敬頂禮大聖尊  
三毒煩惱獲消除 是故歸命蓮華手

<sup>3</sup> 大正藏：諸

衆生界分無邊際 蛄蟲螻蟻數無窮  
菩薩亦以慈悲心 處處方便而化度  
世間或時值飢饉 即變所食濟群生  
咸令息彼飢渴心 是故歸命蓮華手  
若見衆生處大海 船<sup>4</sup>筏破壞欲漂沉  
菩薩慈悲現馬身 令其攀附而得渡  
衆生乘船<sup>5</sup>在大海 菩薩隨意使其風  
若順若逆濟衆生 咸令遠離諸怖畏  
菩薩已離三界苦 圓滿三摩地法門  
復能攝化諸有情 數等虛空無邊際  
菩薩已離種種怖 所謂羅刹諸部多  
必舍左及拏吉泥 邪迷一切惡鬼衆  
大水大火并盜賊 虎狼蟲獸及刀兵  
疾病毒藥與邪明 及至王刑禁縛等  
菩薩自得遠離已 而復爲彼諸衆生  
自利利他大導師 最上大悲無畏者  
菩薩已具諸梵行 如白月分照世間  
人天稱讚大聖尊 是爲最上眞梵行  
菩薩常住三摩地 無邊功德爲所依  
隨順方便現所居 補陀落山爲住止

<sup>4</sup> 大正藏：舡

<sup>5</sup> 大正藏：舡



其山高廣復殊妙 種種珍寶以莊嚴  
彼有寶樹數甚多 低羅迦及瞻波等  
有諸異鳥止其上 常出清淨妙好音  
如是莊嚴聖所居 禮敬瞻仰而獲福  
俱尾囉并嚙嚙乃 及彼閻摩等三天  
乾闥婆王修羅王 夜叉王及諸龍王<sup>6</sup>  
乃至部多等諸類 若天若神一切王  
晝夜各生恭敬心 歸依稱讚真聖者  
彼等如是稱讚已 一切所欲皆隨心  
大富快樂壽命長 勇猛精進具威德  
息除無量諸苦惱 夢中怖畏亦不生  
乃至壽命欲終時 菩薩現身而安慰  
聖觀自在功德海 無量無邊無有窮  
假以百舌千劫中 稱揚讚歎不能盡

聖觀自在菩薩功德讚

<sup>6</sup> 大正藏：主



# 千手千眼無礙大悲心陀羅尼

(十五遍)

南無. 喝囉怛那. 哆囉夜耶 (一) 南無. 阿唎耶  
(二) 婆盧羯帝. 爍鉢囉耶 (三) 菩提薩埵婆耶 (四)  
摩訶薩埵婆耶 (五) 摩訶迦盧尼迦耶 (六) 唵 (七)  
薩皤囉罰曳 (八) 數怛那怛寫 (九) 南無. 悉吉唵埵.  
伊蒙阿唎耶 (十) 婆盧吉帝. 室佛囉楞馱婆 (十一)  
南無. 那囉謹墀 (十二) 醯唎摩訶. 皤哆沙咩 (十三)  
薩婆阿他. 豆輸朋 (十四) 阿逝孕 (十五) 薩婆薩哆.  
那摩婆薩哆. 那摩婆伽 (十六) 摩罰特豆 (十七) 怛姪  
他 (十八) 唵阿婆盧醯 (十九) 盧迦帝 (二十) 迦羅帝 (二  
十一) 夷醯唎 (二十二) 摩訶菩提薩埵 (二十三) 薩婆薩  
婆 (二十四) 摩囉摩囉 (二十五) 摩醯摩醯. 唎馱孕 (二  
十六) 俱盧俱盧. 羯蒙 (二十七) 度盧度盧. 罰闍耶帝  
(二十八) 摩訶罰闍耶帝 (二十九) 陀囉陀囉 (三十) 地  
唎尼 (三十一) 室佛囉耶 (三十二) 遮囉遮囉 (三十三)  
摩摩罰摩囉 (三十四) 穆帝隸 (三十五) 伊醯移醯 (三十  
六) 室那室那 (三十七) 阿囉嚩. 佛囉舍利 (三十八) 罰  
沙罰嚩 (三十九) 佛囉舍耶 (四十) 呼盧呼盧摩囉 (四  
十一) 呼盧呼盧醯唎 (四十二) 娑囉娑囉 (四十三) 悉唎  
悉唎 (四十四) 蘇嚩蘇嚩 (四十五) 菩提夜. 菩提夜 (四

十六) 菩馱夜. 菩馱夜 (四十七) 彌帝利夜 (四十八) 那  
囉謹墀 (四十九) 地唎瑟尼那 (五十) 波夜摩那 (五十一)  
娑婆訶 (五十二) 悉陀夜 (五十三) 娑婆訶 (五十四) 摩  
訶悉陀夜 (五十五) 娑婆訶 (五十六) 悉陀喻藝 (五十七)  
室幡囉夜 (五十八) 娑婆訶 (五十九) 那囉謹墀 (六十)  
娑婆訶 (六十一) 摩囉那囉 (六十二) 娑婆訶 (六十三)  
悉囉僧. 阿穆佉耶 (六十四) 娑婆訶 (六十五) 娑婆摩  
訶. 阿悉陀耶 (六十六) 娑婆訶 (六十七) 者吉囉. 阿悉  
陀夜 (六十八) 娑婆訶 (六十九) 波陀摩. 羯悉陀夜 (七  
十) 娑婆訶 (七十一) 那囉謹墀. 幡伽囉耶 (七十二) 娑  
婆訶 (七十三) 摩婆利. 勝羯囉夜 (七十四) 娑婆訶 (七  
十五) 南無. 喝囉怛那. 哆囉夜耶 (七十六) 南無. 阿唎  
耶 (七十七) 婆盧吉帝 (七十八) 爍幡囉夜 (七十九) 娑  
婆訶 (八十) 唵. 悉殿都 (八十一) 漫哆囉 (八十二) 跋馱  
耶 (八十三) 娑婆訶 (八十四)



# 讚觀音文

(一遍)

南無過去正法明如來，現前觀世音菩薩。成妙功德，具大慈悲。於一身心，現千手眼。照見法界，護持眾生。令發廣大道心，教持圓滿神呪。永離惡道，得生佛前。無間重愆，纏身惡疾，莫能救濟，悉使消除。三昧辯才，現生求願，咸令果遂，決定無疑。能使速獲三乘，早登佛地。威神之力，歎莫能窮。故我一心歸命頂禮。

(誦畢至心頂禮千手千眼大慈大悲)

觀世音自在菩薩  
摩訶薩三十二拜)

# 禮觀音文

宋·大慧宗杲禪師

清淨三業，一心五體投地，歸依南無十方慈父廣大靈感觀世音菩薩。

我聞菩薩，從聞思修，入三摩地，得二隨順，四不思議，十四無畏，十九說法，七難二求，三十二應，無量功德，興大威力，發大誓願，同流九界，六道四生，生死趣中，興百千萬億無量恒河沙劫數，善行方便，救度拔濟一切眾生，無有休息。我今哀求，必賜加被。

伏念(某甲)夙生慶幸，得遇佛乘，身苦塵緣，心多散亂(若出家者改為)身雖出家，心不染道，愚癡邪見，諸根昏塞。內外經書，雖于習學，章句妙理，無所通曉，又恐福力淺薄，壽命不長，徒得人身(若出家者改為)徒入空門，虛生浪死。我今洗心泣血，稽顙投誠，終日竟夜，存想聖容，受持聖號，禮拜聖像。惟願菩薩，天耳聞聲，悲心救苦，憐愍加被，放大神光，照我身心，傾大甘露，灌我頂門。蕩滌累世怨愆，洗潔千生罪垢。身心清淨，魔障消除。晝夜之間，坐臥之中，觀見菩薩，放大神光，開我慧性，使我(某甲)，即時神通朗發，



智慧聰明。一切經書，自然記憶。一切義理，自然通曉。得大辯才，得大智慧，得大壽命，得大安樂。參禪學道，無諸魔障，悟無生忍。世世生生，行菩薩道。四恩總報，三有齊資。法界眾生，同圓種智。(一遍)

南無千手千眼大慈大悲觀世音自在菩薩  
摩訶薩 (合掌十聲)

## 迴向偈

(一遍)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國



此咒置經書中可減誤跨之罪

南无护法韦驮尊天菩萨

